

Ok sekimeh Iqbal

Teyolkoko kampa itech semanawatl ok kateh miakeh konemeh Iqbal, kanin okachi kateh itech tlatlalmantli Asia, África iwan América Latina. Axkan, 400 millones konemeh itech nochi semanawatl kintekipantlahyowiltiah, inonkeh, 168 millones chokomeh iwan takomeh tlen kipiah 5 iwan ahsih 14 xiwitl mohmostlatika sawel tekipanowah, kahxitiah 15 hora itech se tonalli, niman tekipanowah kanin amo tonalittah, kanin kintlahyowiltiah, impan tlaksah, kinkokoltiah, ok sekimeh mokawah tlakayochihkolli noso ayakmo moskaltiah kampa mohmostlatika amo kualli chanchiwah noso techan tlapalewiah iwan amo kinweyittah, kimittah kemin yolkameh noso kinchiwiliah ma motetekiwiltikan noso kinnamiktiah.

Monehneki, olocholtekiwahkeh, sawel ma motekitikan itech semanawatl, ma tlanawatikan kualli ma tlahtlakolihyowiltikan akinmeh okintlahyowiltihkeh konemeh. Ik inon, inin tonalli okitlalihkeh kampa tinochtin timotlayehyekoskeh iwan tikteiwisketlah chikawak kintekipanoltiah, kimpachiliah noso kintekipantlahyowiltiah konemeh.



VERACRUZ
GOBIERNO
DEL ESTADO



SEV
Secretaría
de Educación

AVELI
Academia Veracruzana
de las Lenguas Indígenas



ACADEMIA VERACRUZANA DE LAS
LENGUAS INDÍGENAS

Av. Xalapeños Ilustres No. 7
Edificio Radio Mundial 5º Piso
Xalapa, Veracruz, México, C.P. 91000

Tel. 01 228 890 4119/20
www.aveli.gob.mx

AVELI

ACADEMIA VERACRUZANA DE
LAS LENGUAS INDÍGENAS



16 tonalli, abril metztli
Semanawatonalli
ipampa
Intekipantlahyowiltilis
Konemeh

Lengua: Náhuatl de Zongolica
Subdirección de Fortalecimiento y Promoción de las Lenguas Indígenas
Sección de Difusión de la Diversidad Cultural y Lingüística

Kenin oneski inin tlalnamikilistli

Inin tlalnamikilistli oneski ipan 1995 xiwitl, ihkuak okimiktihkeh konetl **Iqbal Masih** tlen okiapiaya 12 xiwitl, inon konetl , ihkuak okiapiaya 4 xiwitl, itahtzin okinamakak itech se tlalpehpechchialoyan, itech altepetl Punjab, kampa omotomintlanewito tlen ika okilwichiwiliskia itlayekanchoko.

Kampa otlaxtlawaskia, Iqbal otekipanowaya mahtlaktli iwan ome hora ipan se tonalli, iwan san okitlaxtlawiliayah se *rupia*. Kemin inon tomin miak ixochio okitlalilihkeh, amo niman okitlaxtlah iwan miak xiwitl okihyowiltihkeh kanin otekipanoh.



Itepantlahtowalis Iqbal

Ipan 1992, ihkuak yeki opanohkeh makuilli xiwitl okihyowitihkeh, Iqbal okixmatki Ehsan Khan, akin



otepantlahtowayah kampa tlamis tekipantlahyowiltistli. Ihkoni kemin inon tlakatl okichiwaya, chokohtli tlen powi Pakistán sawel opehki kiteixpantia kenin otlahyowiyah miakeh konemeh tlen otekipanowayah kemin yeh otekipanoh intech tlalpehpechchialoyan, ihkoni opehki tepantlahtowa impampa konemeh.

Frente de Liberación del Trabajo Forzado miak omotekitih, okipalewih iwan okikixtih itech teilpiloyan, ihkoni yeh okikitzki itekiw kemin tepantlahtowani ipampa intekipantlahyowiltis konemeh iwan otlatzatzak kanin okonetlahyowiltiayah. Nowian omixmatki tlen okichiwaya, ik inon okitominmaktilihkeh itech wehka tlallan Estocolmo iwan Boston, ika inon tomin okipewaltih se temachtilyan.

Ixpoliwilis Iqbal

Ihkoni kemin yeh otepanlahtowaya, amo okimpaktih tlanamakanih tlen otominnechikowayah ika konetlahyowiltitekiyotl, kampa okintzatzakuiliayah, ik inon, ipan 16 tonalli, abril metztli, 1995 xiwitl okimiktihkeh ihkuak opaxialowaya ipan se *bicicleta*.

Akinmeh okimiktihkeh (amo kualli tlakameh tlalpehpechchianih) okikotonilihkeh inemilis, yeh amo okipopolohkeh nochi tlen Iqbal kualli okichih, yen axkan sawel milnamikih iwan kiyakana tepantlahtowalistli ipampa konetlahyowiltitekiyotl.

